



# El teu esforç compta!

## Tamssumant-nnk tskk<sup>w</sup>a!

Nous informes d'estrangeria per acreditar la  
integració i l'adequació de l'habitatge

Inqqisn imaynutn n tbranit mahnd ad tsbiynd asyrd  
eawd mahnd ad itwassn aqqa taddart-nnk tujd



Generalitat de Catalunya  
**Departament de Benestar Social  
i Família**

## Tamssumant-nnk tskk<sup>wa</sup>!

---

Rxxu Jiniralitat n Katalunya tetteawan-ak ad tzzud dg wamun akatalan, ad tggd takarđit tamaynut n tzddiyt eawd ad tsknđ aqa taddart tujđ mađnd ad tzmmrd ad tsmund tawacunt-nnk.

### Maymmi mana-ya amaynu?

Zi 30 dg yunyu di 2011, Jiniralitat n Katalunya tksi niy tbib timnziyin timaynutin xf ibrraniyn. Dg ulmis, zg wami ibda ad yugur aslagan amaynu n usađuf xf izrfan n tlillitin n ibrraniyn d usyrd-nnsn dg wamun, agzdir n tudrt isbłn i wamun d twacunt (Departament de Benestar Social i Familia izmmr ad igg inqqisn mađnd ad iskn:

- tasddart n usyrd-nnk mađnd ad tawđd yr wazzu dg wamun,
- aqa taddart-nnk tujđ mađnd ad tettrd asmuni n twacunt d
- tmssumant d tzmmrt-nnk i usyrd mađnd ad tggd takarđit tamaynut n tzddiyt n xf wansu.

Anabađ akatalan ad ikala eawd inqqisn n usyrd mađnd ad tawđd yr usyln asbbanyu s tkarđit n tzddiyt.

Mađnd ad igg inqqisn-a, anabađ akatalan ixddm akd igrawn n tmdinin, tadblt i udsn mara ktar, mani ad tsknđ tiwriqin n tuttra-nnk. Xminni tili yursn mara tiwriqin d tatggart eawd ili skazln mara tiwriqin, Jiniralitat ad tgg inqqisn ukan ad tn-tssk yr isrrawn n tmhajt n unabađ asbbanyu, mani ad frn mara ifaylutn n ibrraniyn.

## Inqqisn imaynutn xf tmhajrt

---

Tadblt n uwanak, Jiniralitat d tfkka tidiganin kzn εawd nnan aqa inqqisn n usmuni n twacunt d wazzu dg wamun ixss ad ilin s uyil εawd mara min digsn ad ili. Maca maḥnd ad tggd takarḍit n tzddiyt tamaynut ur illi s uyil min digsn dg inqqisn maca umaḍyir εawd sbḥn i mara middn-nni i xsn ad ggn turagin-nns timaynutin maca ur γurs kra mara min itwahwajn.

## Maymmi ad tettrd inqqisn?

Maḥnd ili tzmmrd ad:

- tsmund tawacunt-nnk,
- ad tawḍd maḥnd ad ak-jjn ad tggd takarḍit n tzddiyt n xf wansu s wazzu dg wamun εawd ad
- ad tggd takarḍit n tzddiyt n xf wansu mara ur yurk kra mara min tettrn.

Anabaḍ akatalan ad ixdm s inqqisn n usyrd maḥnd ad tawḍd γr usyln asb-banyu s tkarḍit n tzddiyt.

## Mamk tzmmrd ad tsknd asyrd-nnk di Katalunya?

Jiniralitat n Katalunya ad tγr γr:

- **ili tssnd ilsan unsibn** n tmurt, takatalant d tsbbanyut (εawd taranit di Aran),
- **ad tssnd amun id ak-iqbln** (tignutin n tmeacrt, izrfan d iyanen, iyanen n tmnyath, amzruy n tmurt, tamagit-nns...),
- **ad tssnd ssuq n ukraz** (izrfan d uyanen n ixddamn d txddamin; min ttggnt tuddsawin tinmalin; taγllist n wamun; ad txdm xf ixf-nnk niγ xf ism n kra n yan nnḍni...).

## Tamssumant-nnk tskk<sup>wa</sup>!

---

Asaḍuf n unsuf akatalan ix̄s ad ini din yan umzlu n uqbal niy ansuf amzgaru dg mara tmurt maḥnd ad isshwn i middn id ihjrn ad sujdn ix̄f-nnsn dg kraḍ n imukan n tussna. Win-nni i ad ihḍrn yr tmyritin-a ad yurs ili askim i zi ad ittr inqqisn n tmhajrt.

Maca xf wansu ead ur ibdi asaḍuf n uqbal, tzmmrd ad tawid mara tatggart-nnk i twalid d taxatart maḥnd ad tettwasn tasddart-nnk n usyrd ( timyritin n tkatalant; ad thḍrd yr tiglellitin n uqbal; ad tadfd dg ukraz d wamun...).

### Mani ix̄ss ad traḥd?

Nsshwini-t xafk. Ad tettrd mana-ya yr ugraw n tmdint mani i tsiggzd. Ammu ad ili ishl ad xdmn s tuttra-nnk eawd ad ili dyya ad ggn anqqis.

### Mamk iggur mana-ya amaynu?

Jiniralitat txddm akd igrawn n tmdinin d uwanak maḥnd ad tili takrazt d tasbḥant i middn i ittrn inqqisn-a.

Dg umzgaru ix̄ss ad tucd tuttra-nnk i ugraw n tmdint mani illa usiggz-nnk maḥnd ad skkn tuttra-nnk yr Jiniralitat n Katalunya. yurk 30 n ussan n tkrazt maḥnd ad ili mana-ya; ussan-a ḥssbn zi ad tadf tuttra-nnk yr Tmhla n Tmhajrt ukan ad inin ma qbln-t niy ur tqbiln.

Akd mana-ya, Jiniralitat ad tn-tssk yr israwn n tmhajrt n uwanak mani ad ḗrn eawd ad ggn afraw n usmuni n twacunt; azzu dg wamun niy ad tettrd takarḍit tamaynut n tzddiyt n xf wansu.

### maħnd ad tssnd ktar:

- ȳr ugraw n tmdint niȳ agraw n tmdinin (Consell Comarcal).
- ȳr tilifun 012 Tamhajrt.
- dg web n Tmhla Tamatut i Tmhajrt:  
[www.gencat.cat/benestarsocialifamilia/immigracio/estrangeria](http://www.gencat.cat/benestarsocialifamilia/immigracio/estrangeria).
- dg isrrawn n tudrt isbħn n wamun d twacunt n Jiniralitat n Katalunya:  
[www.gencat.cat/benestarsocialifamilia/informacio](http://www.gencat.cat/benestarsocialifamilia/informacio).



aṭṭaf n tilifun: 0,33€. azal/min:0,087€  
azal s tsinin. SIVA



Generalitat de Catalunya  
**Departament de Benestar Social  
i Família**

s ucraak akd:



FEDERACIÓ DE MUNICIPIS  
DE CATALUNYA